

帶
經
堂
詩
話

帶經堂詩話卷十九

漁洋山人

記載門一

節義類

登高座寺拜方景二公祠方祠舊在岡上古木末亭側喬木數百章國初邵某者來作令盡翦伐之亭與祠並圯今亭祠皆徙而北雛松數株殊失古意景公陝之真寧人靖難時死事最烈壁上陽羨朱君一詩頗奇今記於此慷慨誓死心不移欲死不死將何爲欲揮豫讓橋下劍欲操博浪沙中椎衣緋如火如衣裘懷刃如雪甘如飴疾行犯駕氣何壯千秋萬世當如斯誦之勃勃有生氣可以庶頑立懦也

燕子磯有祠祀漢壽亭侯祠南亭三楹壁間題字叢雜不可

讀獨椒山先生四絕句與文壽承書開祠頌同鐫一石其一
云爍爍清光上下通風雷只在半天中太虛雲外依然靜誰
道陰晴便不同讀此知先生定力匪朝夕矣

已上漁洋文

忠州屏風山石洞宣公集方書處洞左微徑達峯頂爲唐王
虛觀故址一碑大書唐忠州別駕贈兵部尚書陸宣公墓蓋
宣公初藁葬于此聊城傅伯俊

蘇尾續文有
光宅二字

詩碣云祠前古墓

千峯遶祠下春江萬里流自是知臣唯聖主總

續文作縱

爲別駕

亦忠州

蜀道驛程記

宗相附識馬鑒云陸友仁吳中舊事吳郡城北有一大
塚在官塘之西相傳爲唐相陸宣公墓故其地名陸墓

淦君鼎字和之建昌人以歲貢授贛州府學訓導假通判銜
辦事軍前爲楊萬二公所重贛城破肅衣冠自經死或作輓
詩云見說平生不炫奇恂恂處子少人知時窮忽作驚天事

志士從來有不爲

劉節婦夫亡舅姑欲嫁之劉頌謝貞四詩曰春秋有夏姬隋唐有王婦蓬垢學妖冶羞殺蘭江路宏治間詔旌表郭續妻李氏者守節嚴苦有詩名催科急賦詩上縣令曰有子不能遵母訓無田空自納官錢懶將心事爲人語忍插荆釵帶淚眠令覽之憫其賦劉節婦賴國華妻也博通書傳華臥疾以詩諭劉令改適徐次答曰誓盟同白首豈料負青春萬古滯奔女何如死節人竟如其志又元末賊康猶剽掠萬安至龍潛江見少婦姿首甚麗抱一子逼之婦曰我棄子江流還爲汝婦乃歌曰我生不辰遭此慘酷投諸深淵以免汚辱遂抱子投江死已上皆萬安人

韻縣李氏名德秀幼讀書能詩年十五爲寇掠置舟中女乘

詩話卷十九

節義

二

間告舟人索筆硯寄書父母書尾有絕句云寄語雙親休眷戀入江猶是女兒身遂赴水死

梁指妹高要人舉人鏤明孫女受儒生周頌聘頌年二十未婚而卒妹聞訃更素衣爲位而哭晨昏不輟明年小祥日哭罷盛飾登樓自縊留詩云身歸黃土魂猶在骨化寒灰志尚堅父母歸其柩與頌合葬

已上皇華紀聞

伯父侍御百斯公

與

崇正元年戊辰進士入翰林改御史甲

申公家食已八年矣聞三月十九日之變偕妻于氏子士和併命寢室南城陳伯璣允衡論次公遺集比之宋江文忠萬里云崑山歸莊元恭詩云鼎湖痛絕競攀龍城守諸公繼扈從誰是簡書無諂責獨捐頂踵又從容九泉骨近平原廟千古名齊日觀峯欣慕執鞭嗟隔世好憑詩句想遺蹤

無錫馬文肅公

世奇

以崇正辛未登進士報至日其父涵虛公

夢人告曰忠臣不事二君又少時夢自吟從今別却江南日
化作啼鵑帶血歸之句後果殉甲申之難與兒書略云忠孝
二字是吾家風好守之又云吾少於夢中曾吟詩二句云云
此文文山語也曾向汝母言之公孫獅字雲翎康熙壬子舉
人年少有志節工詩文不愧家學與予善惜早卒未見其止
耳

張果中字于度容城人少從學於江邨鹿公

善繼崇正中殉難贈大理寺卿

左浮

邱魏廓園羅瑞禍被逮皆主其家牧齋贈以詩所謂夕陽亭
下頻留客廣柳車中每貯人是也後從孫徵君入蘓門高蹈
遠隱卒葬夏峯邨北原徵君爲之傳彭了凡蠡縣人舊爲諸
生甲申後遊河朔依徵君以居土人授粟不受竟坐死嘯臺

旁徵君題之曰餓夫墓理鬯和字寒石西華人本姓李恥與
闖逆同姓改今姓有詩文若干卷亂後散軼徵君嘗貽書西
華左令恤其老母幼孫稱爲魯連後一人予嘗作蘓門三賢
詩云

宋壯節王公諱復字景仁淄川人知徐州粘罕以衆數萬薄
徐徐城孤勢危公合戰數不利遂閉城拒守金人重圍夾攻
凡二十餘日城陷敵死闔門百口俱遇害子侑從高宗過維
揚徐州有武衛軍舊隸公義不他屬願從侑高宗聞之詔於
樞密院創計議官特命侑爲之仍領武衛紹興八年和議成
奏乞訪先臣遺骸行至泗州暴卒紹興十年承宣使田諤扈
從顯仁太后回鑾侑子達留淄川一詩送諤云兩地音塵隔
死生十年常效執珪吟羨君已作遼東鶴顧我空存魏闕心

日下既蒙新眷遇海邊休忘舊知音倘憐萬里親庭在爲向
雲山處處尋詩至而份卒已一歲矣

孫塤字艾菴浙人爲福寧總兵官吳萬福客閩逆叛於福州
以書招諸大帥塤力勸吳公斬其健絕之發兵拒守而賊兵
奄至吳公死之塤從死林舍人石來麟有詩弔之云誓師幕
府勸移兵青史應傳忼慷名死節千秋比袁粲肯教人笑褚
淵生同時有嵇永仁者字留山無錫人古文有名爲制府范

忠節公

承客亦從死

附錄池北偶談文肅范公文程家法最嚴子弟不稍假色笑長子官戶部侍郎次子官翰林學士往往侍立終日不命之坐不敢坐故忠貞承謨歷官督撫皆以清節著聞終殉逆藩之難論者以爲家教云忠貞弟承勳今爲雲貴總督又居易錄上幸紅螺山遣內大臣明珠賞御酒祭墓故大學士諡文肅范文程及其子諡忠貞范承謨又香祖筆記浙江巡撫以士民公籲請前巡撫升

浙閩總督諡忠貞范承謨春秋特記允行

宗枬案范公諡諸書俱作忠貞此條獨作忠節疑有譌今從元本忠貞字觀公撫吾浙時嘗館園中旬日賦詩贈先給諫云精衛御石東南決女媧煉石西北缺神聖千古無

詩話卷之九 節義

四

完功高人心與造化同海鹽南郭鮮原上萬畝桑麻平似掌其間十畝有羣松怪石轟騰礪罔兩借問此中居者誰張公昔歲長安歸補天隻手用不盡聊于邱經開崔嵬平地千峯水百曲隨意植梅與竹松雲梅雪竹烟間又綴紅桃環柳綠亭榭離奇皆自然小橋仄徑偏宜偏諸峯四面各相看曲室幽窗時見焉中有一峯特高聳東望海濤如雪掃天水平春日夜愁星長匝踏參差動我自生平最好奇一聞名勝便居之未問主人先看竹不嫌濤壁狂題詩二月春風花正好行車東出嘉禾道百萬蒼生為去年桑田變海無青草天氣雖春民物秋長民物者能無憂何當大補東南缺須知精術難為謀主人又復出山去定為流民進朝宁猿鶴今道三徑空却使忙人等閒住張公為謀天下憂不隱山林隱市朝補衮望君留北闕挂冠吾欲返東泉後題辛亥春行用海鹽縣寓後園學筆留贈先給諫和云松蘿茅舍依山屋長松謾謾真蕭瑟自分仲蔚是蓬蒿豈謂龍公移家室天書忽趣向長安遂逐京塵誤一官遠志出山成小草滿階春色空闌珊通閤彩仗行用至為留十日賦幽致公餘最嗜幽適蒼蒼荒藋瘦石咸評次即借山花伴主人賦詩對酒不辭頻好鳥啼聲和作和漢朱風流難比倫益公自是文章伯詞壇晴敢均茵席弱冠巍科接鳳池通燈雙徹明光直帝恩鎖鑰重東南半壁還煩隻手擔百城彈壓霜威肅萬姓謳吟惠澤覃為衺為席中無已清操只依明湖水時丁旱澇正殷憂不以遷謫置顧毀任劇投艱弗勝勞拂衣旋欲歸陳車奉百計攀留堅未許羣情湧沸如奔濤叩關陳書唯恐後欲餉天心求借寇天心愛公兼愛民得民知莫論公右特奏層霄詔墨溫強起視事酬君恩重整綱維勸僚友再看民氣迴春墮公誠濟世經綸手一邱一壑夫何有長歌盟諸幾回環奚於物外怡情久雖公真性屬烟霞寰宇懸眸意正除願公霖雨蒼生徧扁舟纔批五湖家二詩並鐫諸石置閣中前宜偏之西壁蓋即取詩語以頌其室又室東偏望海樓題勝日方壺几案檣帟曰身坐一卷真僊肆目空千古大波瀾皆是公手筆當年惠民遺愛致身大節浙人至今尸祝之即此游覽之作志切渴涼乃爾而書法端莊列娜直儗平原真昭代偉人也贈詩墨蹟完好先此部府諸君以投袖什襲珍之每盟手敬觀竊深高山仰止之慕云

金忠節公

鉉

甲申三月以兵部主事巡視皇城盡節玉河少

好誦鄒汝愚先生詩龍泉山下一書生偶占三巴第一名世上許多難了事市人何用苦相驚後果一十八歲領順天解忤璫削籍大節視汝愚無愧云

甲寅閩賊作亂有陳某妻張氏早孀撫孤十二年矣賊至題詩壁上有句云乾坤此際當自決遂雉經思南守陳君某爲作傳

海寧吳忠節公麟徵初第時常夢至一古寺有角巾而書碑者所書乃文信國零丁洋詩問之旁人曰山陰劉宗周也後二公先後殉國

宗枬附識吳公字來皇號磊齋晉邑人世居澈浦非海鹽也初諱忠節定諱貞肅今邑之東北隅勅建昭忠祠與徐忠烈從治東西並峙有司春秋致祭焉案靜志居詩話吾鄉吳太嘗齋齋於天啓壬戌登第之前夢一隱者誦文信國山河破碎風漂絮身世浮沉雨打萍之句問其姓名曰劉宗周也太嘗不省時念臺先生以儀曹耶知貢舉相

見驚訝其後交契靡間與此所載小異

葉忠節映榴字丙霞江南上海縣人順治辛丑進士由庶吉士改部曹出視陝西學政稍遷湖北督糧參議戊辰武昌兵變從容拜疏自剄死丙霞故刑部侍郎有聲子弱不勝衣在部曹嘗以虔州圍城中詩二百餘篇屬子序論竟未及報乃甫脫贛圍復遭楚難大節凜然贈官易名死不朽矣

黃先生端伯江西人精禪理少時見其瑤光閣集一卷皆宗門語乙酉以給事中殉節金陵將授命有報恩寺僧一輪趨過黃呼令代書一絕云對面絕思量獨露金剛王若問安身處刀兵是道場書畢從容就義死

王若之字湘客益都人明南京戶部尚書基冢孫爲人蕭洒疎誕有晉人風致工尺牘好彈琴善五言詩嘗刻尺牘五言

四卷以門廕入官仕至長蘆都轉運使南渡死金陵所寶古
琴名桐笙今尚在其家

附錄居易錄若之服官留都放情山水買舟游武林窮湖山之勝三忤奄寺罷官居金陵乙酉辟亂姑孰干戈崎嶇獨載三代古鼎彝法書名畫兼兩連舳寢食與俱其答人書云正唯草莽之中當堅守一之節遠死所與避者鄒南皋馮少墟鍾龍淵張藐姑李慈明左羅石諸公皆一代偉人

宗棟案居易錄湘客故明尚書基之孫與此條同而漁洋詩話則云父基明戶部尚書若之以父任歷官河南參議前後互異未知孰是

范烈女者易州范良甫女許字田未婚而夫死烈女聞之卽
自縊庭前有海棠一株方花時甚穠艷女死花忽變白一時
文人奇之多爲賦詠云 已上池北偶談

四朝聞見錄丙集載司馬武子忠節事甚詳大略云司馬朴
字文秀池之後 溫公諱 以兵部侍郎使北不屈在北生子名通

國字武子蓋本蘓武之意通國有大志嘗結北方之豪韓玉
舉事未得要領紹興初玉挈家而南授江淮都督府計議軍

事其兄璘在北亦與通國善癸未九月璘以扇寄玉詩云嘯
嘯鳴雁落江濱夢裏年來相見頻吟盡楚辭招不得夕陽愁
煞倚樓人都督魏公張俊見此詩甲申春遣侯澤往大梁諷璘
通國等至亳州爲邏者所獲通國璘與常所與交聶山等三
百餘口同日遇害是歲三月十六日也通國之姪孫振自序
其事曰昔李翰作張巡傳云云吾祖尚書靖康間奉使辭氣
激烈雖不能遏方張之勢而亦足以起其敬畏之心及扈從
北狩不以利動不以死懼高宗加謚忠潔著之國史吾祖大
節無遺憾矣若季父武子一心本朝遽遭屠戮後韓太監紀
其詳王尚書希呂書其畧雖未能載諸史冊而節義之名庶
幾不至磨滅云希呂序畧云昔我先正溫國文正公逮事四
朝唯忠唯孝忠潔公繼之今通國又繼之皆以忠義憤發効

死異域忠孝之節其萃于司馬氏乎司馬後人如此其視京
檜彌遠之流家勢翔貴者流芳遺臭爲何如耶敖陶孫挽趙
忠定詩云九原若遇韓忠獻休說渠家末代孫然則忠獻雖
仍世賢相其後視司馬氏亦有愧色矣

唐魯國顏文忠公一帖云直卿奉命來此事期未竟止緣忠
勤無有旋意然中心悵悵始終不改遊於波濤宜得斯報千
百年間察真卿心者見此一事知我是行亦足達于時命耳
又題十字云人心無路見時事只天知右魯公書并畫像刻
石在蒲州有宋人跋云觀此筆蹟不顯歲月以事實考之蓋
使李希烈時也希烈以建中元年陷汝州盧杞建議遣公奉
使至正元元年八月公不幸遇害困躓賊庭者逾二年刃加
于頸而色不變度無還期誓不易節蓋書此以自表云重既

摹公之像繪而祠之又訪得此石本狀貌老矣公以乾元元年自同徙蒲至奉使之時垂三十載氣節不衰而狀貌非昔也乃刻石而寘之祠堂俾觀者有考焉靖康元年七月壬申朝散郎祕閣修撰知同州軍州事唐重書載崑山顧絳亭林求古錄已上居易錄

元初西僧發會稽六陵事亘古未聞唐林二義士冬青引諸篇沉痛過於黍離麥秀載於宋遺民錄輟耕錄者與其人俱不朽矣分甘餘話

棲隱類

張處士霖者字杏牆世爲新城東南杜柯邨人處士居張店鎮之東偏有田數十畝闢園一區種松百頭其南築小臺東望花鐵馬公諸山其北有亭有池綠葵紅蓼早韭晚菘取給

有餘處士生萬歷中時海內無事不樂仕宦獨喜賦詩飲酒
以善釀聞鄉里中更世變益屏跡逃俗褒衣博帶婆娑田野
以終其身始予過野寺見處士題壁詩異之康熙甲寅過訪
其園居處士聞予至欣然倒屣出坐予池上指松謂予曰是
皆老夫手種今五十年矣時處士年已八十意氣蓬勃引滿
勸客如少壯人自言生平不入城市不謁官府歲正月則畢
納一年之賦稅於官故胥吏追呼未嘗及門今老矣旦暮且
死死則遺令子孫以布衣斂卽日納壙中不棺槨不封樹少
讀漢史慕楊王孫之爲人願以末路師法其萬一其言曠達
類有道者明年予遊京師賦二詩寄之

漁洋文

友人杭州陸麗京圻東南名宿出家十餘載入粵謁天然和
尚于丹霞法名德龍字誰菴栖賢僧云天然爲易名今竟字

與安此後往武當山不詳出處矣門人洪昇有答人絕句云
君問西陵陸講山飄然一鉢竟忘還乘雲或化孤飛鶴來往
天台雁宕間講山麗京別號也

皇華紀聞 并錄二

漁洋詩話

陸圻字麗京號講山武林耆宿爲西泠十子之冠晚年
遠遊不歸或云在嶺南爲僧釋名今龍或云隱武當爲道士
終莫得而詳也洪昇昉思禽人絕句云君問西泠陸講山飄
然一盃竟忘還乘雲或化孤飛鶴來往天台雁宕間

香樹筆記

武林陸講山隱居賣藥後游嶺南又常游溫台諸山中
無定所或以問洪昇昉思答以口號曰君問西泠陸講山飄
然一鉢竟忘還乘雲或作孤飛鶴來往天台雁宕間昇予門
人以詩有名京師遭家難流寓困窮備極坎廩歸杭年餘五
十矣甲申自茗雪歸落水死其詩大半經予點定蒲州吳雯

天章詩尤超逸予嘗目爲仙才亦以甲申病歿于家皆士之才而不遇者而天終厄之如此惜哉

永年申和孟

涵

節愍公長子有文章志行以詩名河朔間同

學多爲大官申獨隱居不出有故人自京師寄書申報以詩云日日秋陰命荀興故人天上落雙魚荷花未老新醪熟爲道無閒作報書其簡傲如此一時同隱廣羊山中者有殷岳宗山張葢覆輿殷工五言古詩平生不解爲近體常爲睢寧令輒自罷歸張善草書通輕俠晚值亂離鑿坏以居不與人接人有傾之者或夜讀經傳達旦時或痛哭張贈申詩云草澤賢豪盡上書奎章閣外卽公車我甘漁父因衰老獨有涵光是隱居後發狂死和孟爲立傳刻其遺詩二卷

并錄一

漁洋詩話

申鳬盟

涵

稱詩廣平開河朔詩派其友雞澤殷岳伯岩

永年張蓋覆輿曲周劉逢源津逮邯鄲趙湛秋水皆逸民也
諸子旣歿唯秋水無恙余丙子再使秦蜀於襄城驛見其登
太行詩一篇信是奇作惜不記憶其全矣太行高萬仞絕磴
龜雲間雪壓雁門塞冰齊熊耳山鳧盟之弟觀仲補孝廉余
爲誌其墓

种放賜告西歸有一高士隱居三世以野菽一盤詩一章贈
放云接得山人號舍人朱衣前引到蓬門莫嫌野菽無多味
我是三追處士孫宋史列放隱逸傳中予嘗非之若此君差
無愧耳

張昉字子東崇正庚午舉人潛心伊雒之學不言而躬行甲
申後居一土室不入城市時爲五言詩學陶靖節書學顏平
原守令欲一見不可得今七十餘尚在

吳中詩老徐波元歎康熙初年七十餘尚在居天池落木菴
與中峯靈巘二高僧往還虞山先生寄詩云皇天老眼慰蹉
跎七十年華小劫過天寶貞元詞客盡江東留得一徐波落
木菴空紅豆貧木魚風響貝多新常明燈下須彌頂雪北香
南見兩人元歎中年見知膠西相國經齋高公公常勸之出
山辭曰母病三年子生未彌月此身非我有也竟亦無後乙
酉後有寄楚僧寒碧詩云楚鬼微吟上峽謠中元法食可相
招憑君爲譬興亡恨雨打秋墳骨亦銷寒碧少遊鍾譚閒此
詩蓋爲二公作也

并錄一

漁洋詩話

徐波元歎晚居天池落木菴虞山宗伯錢公寄詩云皇
天老眼慰蹉跎七十年華小劫過天寶貞元詞客盡江東留
得一徐波自云喜登陟而筋力遽衰未廢吟詩而發言莫賞

又作落木菴記云崇正癸酉與竟陵譚友夏在其弟服膺署
中曉起盥漱見余白髮盈梳曰子從此別計必住山請擇嘉
名以名其居服膺出幅紙請作擘窠大字友夏爲書落木菴
今三字揭諸菴門松栝數株撐風蔽日元冬霜月蕭蕭而下
雙童縛帚掃除不給齋廚爨烟皆從此出事之前定如此亂
後寄楚僧寒碧云楚鬼微吟上峽謠中元法食可相招憑師
爲譬興亡恨雨打秋墳骨亦銷此詩爲鍾譚作也

宗枬附識初學集徐詩序曰元歎少工爲詩隱長城藝香山中築室奉母數年而其詩益進元歎之爲人淡于榮利篤于交友苦心于讀書而感憤于世道皆用以資爲詩者也
有學集又有詩元歎六十詩

沈嘉客字無謀河間故城人居鄭口性孤迥有潔癖與德州

盧德水侍御

世

臨清汪未央孝廉

大

交好以詩相倡和於吳

交姚孟長

希

楊子常

彝

顧麟士

夢

於梁交吳讓伯

伯

徐霖蒼

作與容城孫鍾元

奇逢

尤善中年作閉關疏送客不出離落一

畝之宮花竹清深圖書充牣縣令至必式廬復其徭役年八十餘乃卒予嘗愛其一絕云淮南作客逢春雨破帽疲驢幾日程六合城南呼舴艋綠陰相送到南京

已上池北偶談

張光啓元明章邱人世居白雲湖上少爲諸生有名崇正庚辰年四十棄諸生闕一圃曰省園以種樹藝花自樂亂後足不履城市年八十餘卒有張仲集詩若干篇予刪存百餘首往往可傳嘗有句云盡日間看高士傳一生怕讀早朝詩卽其志可知也

并錄一

漁洋詩話

張光啓字元明章邱人少見知於麻城梅長公

之金華

朱未孩

大典

兩公年四十棄諸生隱白雲湖上闢小圃曰省園

蒔花種竹絕跡城市有元廉處士

復

之風山中曉起云初日

照西山藜杖行共挂山氣何濛濛人物亦太古池上云倚杖
池邊立西風荷柄斜眠明秋水外又放一枝花對菊云種菊
叢叢傍石根凌晨坐卧近黃昏沽來新釀經秋醉開盡寒花
未出門皆隱者之言也

予少喜觀顏從喬僧世說未詳從喬出處觀皖志隱逸傳乃
得其槩從喬字若齡懷寧人京兆素子也性恬曠喜讀書尤
耽釋典愛豹嶺林泉之勝遂卜居終身焉嘗作隱士詩以見
志有集名種秫同時有倪爾嘲方應賓二人者同隱冶塘山
中與從喬爲世外交倪贈詩云石門湖水隔溪碧豹嶺山月
當窗明與君一別忽秋晏短髮朝來白數莖皆明季高士也
阮濬字季子懷寧人築草堂於龍山冬夏唯披一衲因以自
號性嗜酒工畫時携襆被酒醺畫具命一僮肩之游散山水

閒遇勝處輒流連忘返謂其友劉鴻儀曰死卽葬我草堂之側磨片石題曰酒人阮一衲之墓未幾卒劉及同志葬之如約顏所居曰一衲菴每歲晏劉必携酒澆其墓有詩弔之曰
酌君君豈知去去復回顧一片紙錢灰飛上梅花樹濬詩多
寒瘦畫格清絕入 本朝乃卒亦高士云

方授字子留桐城人明末諸生工詩有鴻毛軒冕之意甲申
聞李寇之變遂焚筆硯時同里世族多疾足以赴功名其父
強之不可則撻之授逃之四明山中結茅而棲採橡栗而食
閒爲詩得數百篇流傳人間時人以爲真隱

王子雲一翥雲澤尚書曾孫崇正庚午舉人楚名士也亂後
隱廬山講學五老峯下一日與諸生同觀瀑布忽發問曰逝
者如斯夫汝等作何解諸生不能對遂拂衣歸素與龔端毅

公鼎善龔使東粵過黃州相見賦詩極歡或曰上巳時佳黃州地佳子雲人佳公詩不得不佳

華亭門人王原令詒說雲閒人蕭中素木工也居亭林好爲詩往往多佳句晚年傳藝子孫從受詩者數十人又有鍛工胡姓號良甫居茶山亦好爲詩而不及蕭云已上拾易錄 井錄二

香祖筆記予前記雲閒有木工蕭姓者能詩未詳名字近讀觚臚乃知蕭名詩字中素別字芷厓博學能文尤長于詩嘗有五言云遼海吞邊月長城鎖亂山七言云山寺落梅傷別易天涯芳草寄愁難

漁洋蕭詩字中素華亭人隱于木工博學善詩其警句云遼海吞邊月長城鎖亂山山寺落梅傷別易天涯芳草寄愁難從學者甚衆而執藝事如故

京山李東白者能詩隱于衣工有登黃鶴樓七律最佳其中
二聯云興饒老子胡牀上秋在仙人鐵笛中鄂渚霜花沿岸
白漢陽楓樹隔江紅明詩諸選多錄歐大任青衣李英詩而
不及東白因著之李宗伯本寧常識其人後舟過雲夢吟詩
拍手一笑躍入水死

并錄一

漁洋詩話李東白京山人工詩隱于衣工李本寧尚書兄弟皆與
之游登黃鶴樓云鄂渚荻花沿岸白漢陽楓樹隔江紅後舟
過雲夢哦詩船頭一笑赴水死

黃周星字九烟崇正庚辰進士性簡傲嘗遊嘉善遇一人負
薪過市口作吟哦聲揖入詢其名氏曰崔姓名金友出其詩
五言云花落無人徑雲飛到處山七言云因風去住憐黃蝶
與世浮沉笑白鷗又云吟思白墮傾家釀坐對青山讀異書

自號樵隱黃驚異因與定交

并錄一

漁洋詩話金陵黃九烟周客嘉善有負擔者過市口吟哦不絕揖

入問之答曰崔姓名金友適偶得句耳徐出其詩一卷五言

云水濶天垂遠花深月到遲七言云因風去佳憐黃蝶與世

浮沉笑白鷗吟思自社傾家釀坐對青山讀異書黃遂與之

定交如平生云

徐東癡高士隱居系水之東蓬門畫掩唯余兄弟時過之先

兄西樵贈詩云美人自牧能貽我名士如蠅總附君余時尚

少亦有句云湘東品第留金管江左風流續玉臺諷之輒想

見其人

并錄一

漁洋詩話徐夜字東癡叔祖季木考功象外孫與余兄弟爲外從

兄弟詩學陶韋巉刻處似孟東野余目之爲礪松露鶴西樵

少有贈詩云美人自牧能貽我名士如蠅總附君余時尚羈
卯亦有句云湘東品第留金管江左風流續玉臺

宋長安隱士高繹有古人絕行慶歷中召至京師欲命以官
固辭還山特賜安素處士家甚貧妻子凍餒終不以困故受
人餽遺閉門讀書而已右見龐文英文昌雜錄末引處士譏
种放詩且云志意修則驕富貴道德重則輕王公唯安素無
慚矣予撰古懽錄偶遺之遂錄于此

田告字象宜篤學有文少學詩于陳希夷得水樹于濟南明
水將隱居焉貽書徐常侍鉉鉉答曰負鼎叩角顧廬築岩各
由其時不失其道在我而已何常之有遂決高蹈筮易遇睽
因自號睽叟此吾鄉高逸第一流昔撰古懽錄遺之夏日雨
過讀澠水燕談得告事因著于篇

已上香祖筆記

天啓初潁川張遠度買田潁南之中邨地多桃花林一口携
榼獨游見耕而歌者徘徊墮閒聽之皆杜詩也遂呼與語耕
者自言王姓名清臣舊有田畏徭役盡委諸其族今爲人傭
耕少曾讀書客有遺一冊於其舍者卷無首尾讀而愛之故
嘗歌亦不知杜甫爲何人也異日遠度過其廬見舊歷背煤
字漫滅乃燒細枝爲筆所書皆所作詩後經亂不知所在張
獨記池北偶談作傳其一篇云人生如汎梗飄飄殊無根飲啄得幾許
營營晨與昏對此春日好荷鋤出南原近觀草色敷靜聽鳥
語繁諸有弄化本雜沓偶談作選呈真元曉然似供我寧不倒清
樽有身貴適意窮達安足論此亦杜五郎之流歟

林確齋者亡其名江右人居冠石率子孫種茶躬親畚鍤負
擔夜則課讀毛詩離騷過冠石者見三四少年頭著一幅布

赤脚揮鋤琅然歌出金石竊歎以爲古圖畫中人

吳之洞庭山有丐者汪鈍翁記其數詩有云不信乾坤大飄然世莫羣口吞三峽水腳踏萬方雲有形皆是假無象孰爲

真悟到無生地梅花滿四鄰

并錄一

池北偶談洞庭山有丐者貌似狂易常行乞道上夜則臥菴寺廡

下僧厭苦之驅去復來汪鈍翁嘗記其數詩云不信乾坤大超然世莫羣口吞三峽水腳踏萬方雲又有形總是假無象孰爲真悟到無生地梅花滿四鄰又燈火輝煌慶此宵夜深兒女不相招破蒲團上三更夢那管明朝是歲朝又一杖穿雲到上方湖光山色總茫茫乾坤有我能擔擔明月清風底太忙

趙士喆字伯濬掖縣人明副都御史燿之子太宰煥從子也

甲申避兵松椒山遂不歸與弟子董樵耦耕海上著石室談詩建文年譜遼宮詞各若干卷弟士亮士冕等皆能詩

已上漁洋詩話

博雅類

華州人郭宗昌字允伯博雅好古文奇字著金石史時盤屋趙岫亦撰石墨鐫華若干卷蓋呂與叔薛尚功一流錢牧齋詩云關中汲古有二士郭髯趙岫俱噬峨

蜀道驪程記

并錄二

池北偶談漢華山廟碑華州郭宗昌家物有虞山錢宗伯長歌卽

所謂郭香香察未遑辨者也

全上華州郭宗昌善鑒別書畫金石篆刻分法爲當時第一

所撰金石史與盤屋趙孝廉紫石墨鐫華並行於世常熟錢

宗伯詩所謂關中汲古有二士郭髯趙岫俱噬峨是也郭性

孤僻所居泚園在白屋湖上常構一亭柱礎城礪皆有款識

銘贊手書自鐫之既極人工旋復改作凡三十年亭竟不成

華陰王山史

宏撰語予云

予在京師士大夫齋壁見蔣杰書筆力奇矯杰字美若普安人萬歷己丑進士以副使罷歸家居喜臨池晚年筆法益蒼勁喜遊足跡幾半天下所歷輒有詩喜琴喜歌喜禪喜奕多與高僧遊處崇正間自楚歸卒于家

曾大奇字端甫泰和人博學通經史嘗有詩云鏡裏蕭蕭白髮疎功名那復到樵漁從今但築祈年觀更讀人間未見書子文饒字堯臣以文章名世

鄺露字湛若南海人衣冠談笑有晉人風尤工篆隸五言詩善鼓琴爲諸生有名一日學使試士以恭寬信敏惠命題露文成意得甚文凡五比以大小篆隸楷行書五體寫之學使

怒其狂真五等露夸然不屑所著詩名嶠雅已上皇華紀聞

耿介字逸菴順治壬辰進士康熙丙寅禮部尚書掌詹事府

湯潛菴斌疏薦之略云原任翰林院簡討轉直隸大名道副

使丁憂回籍河南登封人耿介賦質剛方踐履篤實服官冰

蘖自矢家居淡泊自甘潛心經傳學有淵源今雖年逾六旬

精力尚健老成宿素罕見其儔奉 旨授翰林院侍講學士

未幾升詹事府少詹事予曩為湯公作繪川書院詩有云轅

轅有耿介上蔡有張沐著書各滿家衆流匯川瀆耿公實蕝

吏齋廚甘杞菊張公赴徵車萬里向巴蜀正謂是也沐字仲

誠順治戊戌進士曾知內黃縣後以魏尚書環溪象樞薦起知

四川資縣謝病歸

附錄池北偶談杭州應嗣寅徵士名揭謙性至孝母病數年揭謙侍疾晝夜不懈母憐之強為娶婦終不入私室母卒逾祥禪始行合卺禮坐卧不下樓人罕梯接以經學教

授里中生徒甚盛所著有周易應氏集解易學圖說書經蔡注拾遺詩傳翼禮學彙編春秋集解古樂書今文孝經辨定綿注古本大學中庸本義語孟朱注大全拾遺較定文公家禮諸書康熙己未郭徵不至卒於家自撰無間先生傳略云學不遺時不好禪不喜陸王家言爲文章不詭合自怡悅而已密友多窮交經年不見與日見無異足跡不出百里而太華湛渤皆于書冊見之生不及古人而義履克修若接聲響也著書若干萬言人來觀者亦不吝云云同郡徐介字孝先陸圻景宜之甥也食貧隱居三十歲死不更娶一麻布頭巾數十年不易嘗集陶杜詩各一卷有皆吾杭之有道而能文者故附著之

張可仕字文寺更名文峙字紫浚楚人家金陵能詩與歸安茅元儀善茅死有姬楊宛以才色稱戚畹田宏遇欲得之以千金壽文寺求喻意文寺絕弗與通范文貞公禮爲上客公殉國文寺設位雨花臺爲文哭之崇正末集子史成句爲四言詩一卷諷切時事號擊磬集弟可度字麴後好佞佛一食清齋適然終日

金陵王槩字安節善畫山水其兄著字泌草工花卉翎毛兄弟皆能詩往往可誦著本名尸槩本名丐後改今名嘗見槩

兩篇云虛窗吮筆臨秋水葭莢蒼蒼冷到天爲愛芙蓉江月
好小亭長伴鶯絲眠又潯陽江水抱城流庾亮曾經此夜遊
亦是新涼當八月遂教高會擅千秋風騷接席無今古喬梓
凌雲富唱酬傑閣共傳詩句好飛揚興不減南樓樂詩人方
文爾止壻也

長洲尤展成

侗

晚以博學宏詞入史館在局中仿李西涯體

作明史樂府百篇佳處殆不減李今略載數首於此作佳傳
云入學宮辭孔子衣帶題詩自經死出史局別同官官方餽
豬不暇看一死一生交情見留與若翁作佳傳閣門使云閣
門使鐵簡賜谷長史兼理六王事當局不敢讓臣誼應如是
殿下百世後難逃一箇字下詔獄徽髮死嗟乎此真文成子
張辟疆豚犬耳生程濟云爲忠臣爲智士死高翔生程濟身

免乎軍中祭君免乎宮中刺君乘車臣執轡君登舟臣操柁
寒則燎衣飢持糒四海從亡多故人道旁相見唯流涕萬水
千山風復雨送君還上金陵去天外龍蛇有日歸鴻飛冥冥
不知處靖難云七國反誅家令灌將軍出山東定北平起討
齊黃曹國公出金陵亡建文君非景帝燕王亦非吳王濞靖
難雖然百戰功成敗何常總天意太祖生男二十五爲王爲
庶知誰主燕子高飛上帝畿紇干凍雀無毛羽可憐高煦亦
英雄頃刻燒死銅缸中威武大將軍云平陽侯張公子威武
大將軍三君一轍耳漢家天子自聖邊大同宣府往復還朕
稱將軍封萬戶驃騎當屬江與錢旌旗獵獵向北駐樓船搖
搖望南渡豹房家裏樂未終更覓春江花月處朝登牛首山
夕宿鳳皇臺鄱陽凱歌何雄哉戎服簪花金銀牌楊鞭却指

隋堤笑一狩江都竟不回大禮云明倫典問誰作唱者璵和者萼筆者方削者霍浹與綰唯且諾天子有私臣朝中皆黨人武夫何知咄郭勛配爾祖英烈傳中山曙哈開平歎根本彗云根本彗腹心彗門庭彗羣妖掃地偷龍睡彗未退兮宇將至大馮君小馮君忠臣孝子出一門刺血上書動至尊但看六月飛霜雪君門之彗乃可滅河套冤云嚴夏兩家雞相鬪曾銑仇鸞分左右嚴雞方勝夏雞孤銑欲効鸞胡爲乎套未復身先死朝璽書暮西市將軍橫尸何足言宰相駢首寧無冤君莫哭君不見朱仙鎮上風波獄長生藥云五利戮文成死致一真人上天去復有紫府神霄兩高士天子齋居日夜禱祠相公宿直爭獻青詞赭衣半道斷首滿稽殺人媚天修元奚爲四十五年元氣削王金方進長生藥海瑞疏云世

宗在位四十五建言諸臣盡園土末年乃有海瑞疏直訐乘
輿干上怒擲地不已遶殿步忠臣豈肯逃亡去大行賓天應
釋汝獄吏酒肴相勞苦但願飽啖得死所誰知晏駕驚聞訃
此日方看臣哭主當時尚擬子罵父逐新鄭云華亭去分宜
江陵逐新鄭賢否故懸殊門戶總同讐主少國疑賴元老一
留一去由馮保宰相踉蹌出午門先皇顧命寒秋草大臣獄
起重驚倒不憐身歿無遺表夫人泣涕致相公敬爲故夫獻
徽寶富貴何常忽易人江陵簿錄還如埽噫嘻乎前人跌後
人滑古來名位多相軋死姚崇算生張說趙高傳云委鬼當
頭坐茄花滿地紅趙姚曹節節竟私通涿州道上馬游龍月華
門前車鬬風內操撾鼓鳴刀弓犴狴流血朝班空祠堂昭德
燕崇功乾兒義子多如蟲讀史至此再三歎殆哉岌岌將作

難滿朝彈章君不見中宮獨看趙高傳

已上池北偶談

并錄一

漁洋詩話

尤悔菴

個

在史館作明史樂府雖擬李西涯而往往駕

出其上又常作外國竹枝百首

龍眠孫武公先生諱臨字克咸少讀書任俠與里中方密之
爾止周農父錢飲光齊名所爲歌詩古文詞流傳大江南北
雲間陳大樽夏瑗公徐復菴三君方講兵家言先生見而篤
好之手製木牛流馬式著平地能自旋轉如生大樽贈詩曰
孫郎磊落天下才龍文手握雙玫瑰自言三卷授黃石談兵
說劍如風雷著其事也後以監司參楊中丞龍友軍事卒慷
慨俱死遺詩一編大抵和平怡愉之意寡而幽憂痛憤之言
多時實爲之雖作者亦不自知其至是也

明經張先生諱紱孔繡字也世濟南淄川人生而志節慷慨

負意氣倣儻自喜工書法尤精篆隸好飲酒酒餘好爲詩子在廣陵常爲刻詩數十篇所著南游小咏西征游記適吳筆略楚游記略多未刻子篤慶詩古文最知名

廣平申公端愍子三人長涵光高尚其志著書纂言以學行聞天下人稱聰山先生次涵煜舉孝廉次涵盼順治辛丑進士翰林檢討孝廉君字觀仲學詩于聰山名亞其兄書法大令時游戲寫蘭竹似趙子固所著敏菴江杭諸集若干卷已

上釋疑尼續文

宗枬附識余插架有聰山說杜一帙中分總說隨說補說自序云季弟隨叔學詩于京師家書商確若其難盡乃隨所見輒筆于冊亦云大略有然從此推之耳隨叔蓋檢討也

淮安門人張弼力臣博雅精六書之學嘗著一書辨俗書之譌今老矣又耳聾攜其兩子一孫客京師以寫真來索題予

爲賦二絕句云瘞鶴銘邊攜屐日羊侯祠下卸帆時吳山楚
水探奇徧不管秋霜點鬢絲金石遺文太放紛摩挲千卷對
鑪熏白頭更訪鴻都學手拓陳倉石鼓文張嘗著瘞鶴銘辨
及摹峴山石幢寄予首二句皆實錄也

雞澤殷岳伯巖留耕草堂詩一卷僅讀史三十首登嵩登岱
詩各六首餘十八首共五十餘篇皆五言古體也殷平生不
爲律詩永年申涵光和孟序之云宗山不多作詩復不耐聲
偶爲古詩淳龐淵穆莽莽可敵萬夫乙未正月祀先畢卽早
帽跨驢攜一童子遊嵩少婆娑巖嶺有遺世之思已乃入大
隗大隗人好之留數月予與傅掌誦太史將登岱宗山衣塵
未拂欣然同往時方病腰脊比歷天門松聲謾謾萬山在下
大叫奇絕棄肩輿步登不知沉疴之去體也夜宿岳頂予二

人憊而偃卧宗山夜數起謂羽人日出時喚我已而雨聲浙
瀝少止卽躍起視戶外以星辰隱見爲憂喜竟夕不寐其嗜
奇癖山水如此宗山亦殷字也予往見其詠史詩于國門集
古鬱涼壯有橫槩之風河朔一奇士也和孟節愍公子有高
義與予兄弟相友善同時有張葢字覆輿狂士詩亦奇皆廣
平人又趙湛秋水劉逢源津逮亦廣平人能詩皆與予善

朝邑李瓚中黃以其父岸翁遺墨來求跋岸翁名惜關中耆
宿國初仕爲寶應知縣高才凌物爲忌者所中罷官平生作
詩文每廣坐酒酣令兩人張絹素定紙懸腕直書略不加點
如疾雷破山怒潮穿脇移晷而罷擲筆引滿旁若無人舉坐
爲之奪氣名噪一時亦以此坎壈失職傲然不屑也書學東
坡尤善飛白此卷皆自書雜詩中冥蒙二章如云天子傳粉

墨臣亦舞八風古人略小節其究莫能終小器易以滿如狂
彼愚蒙晉家嗜放達四郊生兵戎優孟何足爲致身忘其崇
似爲南渡甲乙時事而作關中名士予生平交善者如三原
孫豹人枝蔚韓聖秋詩華陰王無異宏撰富平李子德因篤
邵陽王幼華又且富平曹陸海玉珂皆一時人豪要當以岸
翁爲冠

李叔則楷云內典如佛塔廟一句疊三實字柏梁詩一句七
果名太白詩一絕句五地名文機故用虛非實字則不壯子
觀霧堂集多發前人所未發詩文頗奧衍聳拔有奇氣恨才
多不能裁割加聲律不叶未免拗折嗓子如昔人所譏耳
竟陵胡承諾字君信博學工詩尤長五言子官廣陵目君信
以集見寄康熙辛酉卒年七十五老而嗜學晝夜不輟

已上居

全上 竟陵胡褒手寫其父石莊先生讀書說四卷繹志十九
卷屬序石莊名承諾明孝廉博雅工詩尤長於五言古選褒
太學生亦能詩有寄予八詩極佳予編感舊集取石莊五言
頗多褒詩云未假新文充祕玩先將詩格入編題謂此也

中州才士近有襄城李來章禮山劉青藜太乙劉歌詩李古
文皆有可傳劉庚辰公車至京師杯酒閒爲余言郟縣全軌
車同詩文皆擅絕壬午全寄余長句瀏瀟頓挫與劉勑敵也
并錄二

漁洋詩話 郟縣全軌字車同博雅工詩常以長句寄余余賞之而
嗟其貧老不遇爲之延譽於徐中丞張侍御遂聘主大梁書
院未幾徐遷去張卒官而全以乙酉中河南解元

詩話卷一九

博雅

三

香祖筆記

郟縣全軌領解額第一檢篋中軌所寄詩尚存輒錄于

此云華星炯炯羅秋穹帝車正色臨天中今古文章各司命

龍門吾代趨王公賤子曾公公從祖大羅天詠霓裳同

萬歷乙未

孔李通家踰百載日月泥塗牛馬風何況虞廷儀鸞鸞和聲

應答唯笙鏞鶴唳鶯啼瘖不發草閒誰敢矜寒蛩東平牙齒

濫餘論江天颯颯羞吳楓新文底用把小陸飛夢已過尸鄉

東驚聞面赤汗浹背進退交惑心忡忡灑掃何年懷四本聊

將耳學思擊蒙騷經詩史立忠義豈徒排比鋪陳工霧夕英

葉詫沈范區區兒女塗青紅劉生示我漁洋集南海蜀道爭

豪雄王部吏部水赴海白公蘓公金在鎔深林二月亂桃李

大江百怪騰蛟龍餘子我亦輕狹陋如公誰不懷朝宗恨不

遭公問緒業微言日日開心胃莫訝投詩未相識平生一瓣

曾南豐

米紫來

漢

宛平人明太僕友石鍾之孫也父壽都字吉士亦

知名紫來以順治辛丑登第多技藝工書畫書仿南宮尤工

金石篆刻以長葛知縣行取適有博學宏詞之舉改翰林編

修以典試墨誤久之召入供奉內庭遷侍講賜宅西

華門尋病卒太僕有句園在京城西海淀與武清侯清華園

相望亦曰風烟里今暢春苑卽兩園故址也紫來所交游

皆海內名士與予最相善頗有倡和其詩惜爲書畫所掩亦

散佚無傳矣

紫來曾以其疏中詩屬予論次

已上香祖筆記

附錄香祖筆記黃子鴻名儀常熟人隱居博學工書法予刻漁洋續集將仿宋槧苦無解書者門人崑山盛誠齋侍御將升聞子鴻多見宋刻獨工此體因禮致之子鴻欣然而來都無厭倦今續集自首迄尾皆其手書也尤工小詞有句云井桐休放月痕來玉階剛卧金鈴犬人多稱之

傳山字青主亦字公之佗太原高士其子眉字壽髦能爲古

賦常賣藥四方其子輓車晚憩逆旅輒課讀史漢莊騷諸書
詰旦成誦乃行邢縣藏楓仲廷撰晉四家詩山父子居其二

漁洋詩話

附錄池北偶談傳山字青主一字公之他肆夢老比邱而生復不啼一普僧至門云
既來何必不啼乃啼六歲食黃精不樂穀食強之乃復食讀十三經諸子史知宿通者
崇正中表臨侯繼成督學山西爲巡按御史張孫振誣劾破建山棄潛左右伏闕上書
自其冤馬君當世奇作義士傳比之張瑜魏劭亂後夢天帝賜以黃冠納衣遂爲道士
裝醫術入神有司以醫見則見不然不見也康熙己未徵職至京師以老病辭與范陽
壯越君異俱授中書舍人歸山工分隸及金石篆刻畫入逸品子眉字清毛亦工畫

門人陳子文奕禧號香泉詩歌書法著名當世其書專法晉
人於秦漢唐宋以來金石文字收弄尤富皆爲題跋辯證以
戶部郎中出知石阡府補任南安以病卒官妙蹟永絕清詩
零落生平與蒲阪吳天章雯最善今先後下世矣悲夫

分廿餘話

宗枬附識香泉先生爲枬之外從祖其官戶曹而兼理寶泉局也與先比部府君前後
相繼每往來先君邸舍譚譚無虛日時枬方髫髻猶及記憶見其作碑窠書長箋巨幅
運腕如飛嘗爲先慈淑人書一金扇楷法工細放筆輒自詫曰吾一歲中
爲人作此種書未數數然也蓋其矜貴若是惜年久剝落妙蹟不存矣

武人類

鄧子龍字武橋豐城人隆萬間名將援朝鮮戰死平生善書
喜吟咏可與戚繼光陳第並傳而世鮮知者有橫戈集一卷
頗磊落略錄一二萬松嶺風雨催軍行云應憐西事懸民瘼
長呼鐵甲燈前著三程兩程晝夜行千山萬山風雨惡不妨
鼓角地中來自有將軍天上落百戰烽塵社稷安一怒乾坤
星斗錯歸來烹象飲天河何代英雄無衛霍金鷄橋云短甲
輕兵入武鄉西風吹骨鐵衣涼大幽山下無情水笑問金雞
舊戰場

皇華紀聞

南史曹景宗賦競病二韻詩蓋與古語暗合僖七年鄭大夫
孔叔言於鄭伯曰心則不競何憚於病又宋曹翰平江南後
久爲環衛一日內宴羣臣賦詩翰以武人不預自陳少習爲

詩亦乞應詔太宗限刀字韻翰援筆立成詩云三十年前學
六韜英名常得預時髦曾因國難披金甲不爲家貧賣寶刀
臂健尚嫌弓力軟眼明猶識陣雲高庭前昨夜秋風起羞看
盤花舊戰袍太宗覽之驟遷數級二曹事絕相類大奇

劉後邨跋總管徐汝乙詩云宋武臣能詩者賀鑄劉季孫爲
坡谷深許其後有劉翰武子潛樸德久尤爲項平菴葉水心
所賞重明景泰中有十才子湯叅將允勣最著予見其東谷
遺稿十卷了無可取成化間金陵姚福者世襲千戶著定軒
集避喧錄窺豹錄及青溪暇筆若干卷予嘗見暇筆草稿福
手書也記軼事頗亦可喜而論詩膚陋如自記蔡琰歸漢圖
詩云若使胡兒能念母他年好作倒戈人所取彭三吾咏明
妃詩云妾分嫁單于君恩本不孤畫工休盡殺夢弼要人圖

謂得風人之體真三家郵學究見識可爲噴飯又嘗見南皮
李騰鵬撰明詩統取一詩云君王莫殺毛延壽留畫商巖夢
裏賢腐儒所見略同乃爾又明名將如郭登戚繼光陳第萬
表皆有詩名

已上池北偶談

古今武人詩如沈慶之曹景宗輩猶有文士之風獨北齊高
敖曹詩龍鍾千口牛蟬連百壺酒朝朝圍山獵夜夜迎新婦
此等語斷非文士所能道若斛律金風吹草低見牛羊則樂
府絕唱矣

并錄一

香祖筆記

古來武人能詩如宋沈慶之微生遇多幸得逢時運昌

朽老筋力盡徒步還南岡辭榮此聖世何愧張子房梁曹景
宗去時兒女悲歸來笳鼓競借問行人何如霍去病北齊
斛律金勅勒川陰山下天似穹廬蓋四野天蒼蒼野茫茫風

吹草低見牛羊高敖曹壠種千口羊泉連百壺酒朝朝圍山
獵夜夜迎新婦唐王智興三十年前老健兒剛被郎官遣作
詩江南花柳從君詠塞北烟霜獨我知宋曹翰三十年前學
六韜英名常得預時髦曾因國難披金甲不爲家貧賣寶刀
臂健尚嫌弓力軟眼明猶識陣雲高堂前昨夜秋風起羞覩
盤花舊戰袍岳鄂王飛潭水寒生月松風夜帶秋明郭定襄
登甘州城西黑水流甘州城北胡雲愁玉關人老貂裘敝苦
憶平生馬少游湯允勣苜蓿含花草露斑奚奴擾擾出沙灣
塵飛大夏三千里泥滿東風十二閑直內銅符初上繳征西
鐵甲未東還可憐絕代賢王手少畫漁陽阿鞞山戚武毅繼
光畫角聲傳草木哀雲頭對起石門開朔風邊酒不成醉落
葉歸鴉無數來但使元戈銷殺氣未妨白髮老邊才勒名峯

帶經堂詩話卷二十

漁洋山人

記載門二

閨閣類

武功蘓氏自子卿後代有名人項背相望苻秦時道質第三女蕙嫁扶風竇滔滔鎮襄陽蕙織錦爲迴文詩寄之首尾七千九百五十八首自云徘徊宛轉自成文章非我佳人莫之能解唐則天后及宋閨秀朱淑真并記其事黃山谷詩千詩織就迴文錦如此陽臺暮雨何只有英靈蘓蕙子更無悔過竇連波

并錄五

池北偶談辛亥冬於京師見宋朱女郎淑貞手書璿璣圖一卷字法妍嫵有記云若蘭名蕙姓蘓氏陳留令道質季女也年十

六歸扶風寶滔滔字連波仕苻秦爲安南將軍以若蘭才色之美甚敬愛之滔有寵姬趙陽臺善歌舞若蘭苦加捶楚由是陽臺積恨讒毀交至滔大恚憤時詔滔留鎮襄陽若蘭不願偕行竟挈陽臺之任若蘭悔恨自傷因織錦字爲回文五彩相宣瑩心眩目名曰璿璣圖亘古以來所未有也乃命使齎至襄陽感其妙絕遂送陽臺之關中具興從迎若蘭於漢南恩好踰初其著文字五千餘首世久湮沒獨是圖猶存唐則天常序圖首今已魯魚莫辨矣初家君宦遊浙西好拾清玩凡可人意者雖重購不惜也一日家君宴郡倅衙偶於壁間見是圖償其值得歸遺予於是坐卧觀究因悟璿璣之理試以經緯求之文果流暢蓋璿璣者天盤也經緯者星辰所行之道也中留一眼者天心也極星不動蓋運轉不離一度

之中所謂居其所而斡旋之處中一方太微垣也乃疊字四
言詩其二方紫微垣也乃四言回文二方之外四正乃五言
回文四維乃四言回文三方之外四正乃交首四言詩其文
則不同也四維乃三言回文三方之經以至外四經皆七言
回文詩可周流而讀者也紹定三年春二月望後三日錢唐
幽棲居士朱氏淑貞書首有璿璣變幻四小篆後有小朱印
予向見斷腸集不載此文諸家撰閨秀詩筆者皆未之載宋
桑世昌澤卿明雲間張元超之象撰回文類聚亦未收此家
考功兄輯然脂集三百餘卷多徵奧僻因錄一通歸之後有
仇英實父補圖四幅亦極妙按張萱周昉李伯時輩皆有織
錦回文圖英此圖殆有所本也

居易錄

趙松雪管夫人手寫璇璣圖詩五色相間筆法工絕後

跋云蘓蕙字若蘭陳留令武功蘓道質第三女也年十六歲歸扶風竇滔甚敬愛之苻堅寇襄陽以滔爲安南將軍留鎮襄陽攜寵姬趙陽臺往蘓氏怨之不肯與俱而滔竟與斷音問後蘓氏悔恨因織爲迴文錦以寄滔滔覽之感其意於是迎蘓氏來襄而歸陽臺於關中恩好愈篤焉 按蘓氏織錦迴文縱廣八寸許八百餘言形如璇璣理難盡識起宗道人分圖拆類獨得其旨附錄其右天水管道昇後有仇英補圖亦工

全上 侯珣桐城諸生博洽工文嘗衍蘓氏織錦迴文凡三言四言五言六言七言斜直方圓周旋出入得詩八百首

附錄此條後段珣又善投壺著壺譜奏矢一百四十法其友請試之置酒張壺按譜投之縱橫進退飛躍疾徐各臻其妙是日繼夜譜法纔盡其神解如此

全上 蘓蕙織錦迴文詩則天記云二百餘首楊文公讀至五

百餘首明僧起宗乃又分爲七圖一百四十七段得三四五六七言詩至三千七百首某王府刻之僧亦異人而蘓氏方寸之圖古今衍之如無盡藏神矣哉

池北偶談

又回文類聚載唐婦人所作轉輪鈎枝八花鑑銘云花

上八字枝間八字環旋讀之四字爲句遞相爲韻其盤屈糾結爲八枝者左旋讀之自篇字起至詞字止當就支脂字韻右旋讀之自詞字起至篇字止當就先仙字韻茲不具錄

中江縣驛中有膠州閨秀姜氏題詩云清泉石上溜松風薄受霜華葉乍紅曲路通郵知近遠一條竹杖萬山中

新都縣使院爲楊用修先生故居用修夫人黃亦有才情世所傳寄外詩曰歸曰歸愁歲暮其雨其雨怨朝陽二語乃山谷句夫人豈竊之耶

已上蜀道驛程記 并錄一

池北偶談

楊升菴夫人黃寄外詩曰歸曰歸愁歲暮其雨其雨怨

朝陽乃黃魯直答初和甫詩句也見豫章外集詩云君吟春風花草香我愛春夜壁月涼美人美人隔湘水其雨其雨怨朝陽蘭荃盈懷報瓊玖冠纓自潔非滄浪道人四十心如水那復夢爲蝴蝶狂

宗杲附識靜志居詩話美人娟娟隔秋水杜子美句也其雨怨朝陽阮嗣宗句也黃魯直寄蕲和仲詩用之曰美人美人隔秋水其雨其雨怨朝陽楊夫人復用魯直語寄川修正陸平原所云襲故彌新者

女郎倪仁吉義烏人善寫山水尤工篇什予嘗見其宮意圖詩其一云調入蒼梧斑竹枝瀟湘渺渺水雲思聽來記得華

清夜疎雨銀缸獨坐時先考功兄曾得其全集

并錄一

漁洋詩話

董樵萊陽高士康熙初游婺郡閨秀倪氏仁吉高其人

製方竹爲杖遺之倪有絕句云怨人蒼梧斑竹枝瀟湘渺渺

水雲思分明記得華清夜疎雨銀釭獨坐時

金陵紀青字竺遠能詩少爲諸生棄去入天台國清寺爲僧
久之復捨去其子映鍾伯紫尤負詩名女名映淮字阿男嘗
有秦淮竹枝云栖鴉流水點秋光愛此蕭疎樹幾行不與行
人縮離別賦成謝女雪飛香及笄嫁莒州杜氏早寡年五十
餘以節終予在儀制時下有司旌表之予昔在秦淮賦詩云
十里清淮水蔚藍板橋斜日柳毵毵栖鴉流水空蕭瑟不見
題詩紀阿男伯紫見之殊不喜後二十年從子啓大官莒學
正訪得其遺詩數篇其一云清谿有桃葉流水載佳人名以
王郎久花猶古渡新機搖秦代月枝帶晉時春莫謂供憑攬
因之可結鄰又李花一孤邨流水數間屋夕陽不見人牯牛
麥中宿

并錄一

漁洋詩話

余辛丑客秦淮作雜詩二十首多言舊院時事內一篇

云十里清淮水蔚藍板橋斜日柳毵毵栖鴉流水空蕭瑟不

見題詩紀阿男阿男名映淮詩人伯紫映之妹也幼有詩云

棲鴉流水點秋光後適莒州杜氏以節聞伯紫與余書云公

詩卽史乃以青鏡白髮之嫠婦與莫愁桃葉同列後人其謂

之何余謝之後入爲儀郎乃力主覆疏旌其閨笑曰聊以戲

悔少年綺語之過

吳橋節孝范氏名景姒文忠公

景文

女弟也好讀書通經史尤

工書畫繪大士像彷彿龍眠有冰玉齋詩若干卷歸同邑王

世德二十而寡年三十九卒文忠撰墓誌見集中

禾中閨秀黃媛介字皆令負詩名數十年近爲予畫一小幅

自題詩云懶登高閣望青山愧我年來學閉關淡墨迢傳縹

縹意孤峯只在有無間皆令作小賦頗有魏晉風致少時太倉張西銘溥聞其名往求之皆令時已許字楊氏久客不歸父兄屢勸之改字不可聞張言卽約某日會某所設屏幃觀之旣罷語父兄曰吾以張公名士欲一見之今觀其人有才無命可惜也時張方入翰林有重名不逾年竟卒皆令卒歸楊氏

顧如字啓姬杭州人適鄂生某康熙庚申從其夫至京師嘗見所著靜御堂集小賦詩詞頗婉麗九日子與同人飲朱子昭工部小園限蟹字韻翌日鄂詩先就顧代作也其末云予本澹蕩人讀書不求解爾雅讀不熟螭蜺誤爲蟹予驚歎顧善歌所製詞曲有一輪月照一雙人面之句子最賞之

宗枬附識 顧虛先生嘗戲云舉郊邀明月對影成三人真神倦語讀一輪月照一雙人面之句又覺顧作鴛鴦不羨儂矣

鄧州彭氏布政使禹峯

述而

女適李鴻鴻字青立文達公裔孫

學士恒茂之子予門人也鴻亦能詩而才不及婦予嘗序其
蝶龕集刻之京師如咏白蓮云月亦驕花色風偏送葉香刺
繡云針宜停午倦窗喜趁新晴送外云山川日以遠雨雪天
將寒皆佳句也又雷家灣云峰峰斜倚俯清潄一葉孤舟亂
後身洞口白雲雞犬在此中大有避秦人金銀洞云絕壁繩
橋萬壑深春風何意此登臨安禪暫借蒲團力坐聽神龍澗
底吟又陰厓如幄俯青蘿脉脉寒泉激素波豆大一舟沙際
望四山香氣鳥聲和種桃柳云繞畦烟水望迷離種得桃枝
間柳枝好是年年芳草地春晴須記聽鶯時惜香橙云幾經
剪拂始成林夏晚移牀就綠陰却怪一朝風雪惡惜香空負
十年心此類數十篇皆可誦也

王慧字蘭韻太倉人同年長源督學

祥發

之女有雋才所著凝

翠軒詩一卷極多佳句閨詞云輕寒薄暖暮春天小立閑庭
待燕還一縷柳花飛不定和風搭在繡牀前又五言如杏花
都揜屋楊柳半垂溪花陰依略約竹色捲瀟湘風懷看綠柳
愁緒比黃楊紈扇三春月綳琴五夜霜七言如別去新篁方
解籜重來芳樹欲過頭蕭蕭竹影遮紅藥細細波紋映白魚
纔過輕雷收箭筈旋剡新水試茶芽一枝香供宜金屋半醉
紅扶待畫叉

鶯粟花

楊柳溪橋初過雨杏花樓閣半藏烟淚淹

紅袖傷離日愁在黃昏細雨中殊添小印思題扇釧臂輕羅
憶點籌牆角紅殘桃結子石盆青淺菊分芽柳絮飛殘青滿
徑荳花零亂綠圍郵棠梨謝後猶花信櫻筍過時已麥秋幾
處溪山留薜荔一秋風雨在芭蕉皆佳句也又宿田家偶見

詩話卷二十

閨閣

六

粘窗破紙乃韓偓香奩詩惜而賦絕句云麗情佳句有誰知
瞥見窗前字半缺爲惜風流埋沒甚自攜紅燭拂蛛絲此等
懷抱亦非尋常閨閣所解

已上池北偶談

田母張氏德州儒家女父曰禎母之幼也女紅之外教以書
史輒能通知大義笄歸於田齊魯間所稱蓼菴先生者也先
生以順治壬辰登第知浙之麗水縣未幾屬疾不起母攜諸
孤閒關三千里扶櫬以歸歸督諸子讀書而躬自紡績往往
至戊夜少工詩脫橐卽焚棄所存唯茹荼吟三十章諸子震
需震刻附家乘

蠶尾文

劉道貞字墨仙邛人名士也明末起兵討張獻忠不克病卒
于軍妻子皆遇害其子睽度妻馮氏詩甚清婉有春日卽事
云閒步小橋東黃鶯處處逢梨花風雨後人在綠楊中

隴蜀餘聞

潁川劉氏閨閣皆知書同年公猷吏部往爲予述其女姪名
第五幼工詩兼能古文從姪摺妻李氏亦工詩予壬子使蜀
時摺令洪洞李以詩卷來相質今皆歿矣第五之女姪名令
佑嫁爲公猷甥寧擢益賢子婦今年才二十詩詞書迹以至
金石篆刻皆臻妙何巾幗之多才也嘗爲予刻二小印款云

潁川女士

并錄一

池北偶談

劉公猷吏部姬汪氏靜宜字穉嫻金陵人有詩云長信

不知君意切相思猶隔兩重雲不須更買長門賦但畫蛾眉
以待君六月高風振海吹遙遙親舍白雲陞誰知天上芳菲
淚溼却新愁似斷絲康熙丁未在京邸作也踰年歸潁至青
縣覆舟死

管夫人畫竹卷長丈餘離披錯落姿態百出與怪石奔峭相

閒氣韻生動真奇作也後自題二句云竹勢撒崩雲觸石應是瀟湘夜雨時皇慶三年秋日作道昇下方有管氏道昇仲

姬二印

湖州天聖寺壁有管夫人畫竹或題其旁曰數枝密葉數枝疎露雁烟啼秋雨餘宋室山河多少淚略無半點到蘇笳

宋江西洪亶郎中妻文城縣君李公擇尚書姊也治春秋博學能文作公擇挽詩云久歷金門貴未酬黃屋知如聞天祿客抱恨作銘詩不減前人載江少虞類苑黃山谷公擇甥也有題姨母畫竹絕句云白頭腕中萬斛力或卽文城耳

席帽山人集載台州余季女寄夫詩五章云妾誰怨兮薄命一氣孔神兮化生若甌春山娟兮秋水淨秉貞潔兮妾之性一夜夢兮食梨靈氛兮爲予占之曰行道兮遲遲斂角枕兮粲如風動幃兮心悲二雲黯黯兮雪飛棘夫子介兮如石苦復留兮不得望平原兮太息涕泗橫兮霑臆三送子去兮春

樹青望子來兮秋樹零樹有枝兮枝有英我胡爲兮煢煢四
織女兮牛郎豈謂化兮爲參商欲徑渡兮河無梁霜露侵襲
兮病偃在牀嗟嗟夫子兮誰與縫裳五右詞旨悽婉音族古
雅不減徐淑誰謂宋元以下無樂府耶得之女子尤奇

吾邑耿太淑人徐氏長山人巡撫僉都御史以貞孫長治知
縣繼志女陝西參議耿公鳴世之配巡撫浙江僉都御史庭
柏之母也幼讀書工詩偶記數篇於此寄子中丞云家內平
安報爾知田園歲入有餘資絲毫不用南中物好做清官答

聖時輓王烈婦畢孺人

先叔祖翰林
簡計象節配

云烈矣王門婦賢聲著帝

京貞心同玉潔素質宛冰清取義邱山重捐生一羽輕恩承
明主詔千載播芳名偶成云時近清明二月天嬌花粉竹正
鮮妍秋千架上人如玉溪水堤邊柳似烟紫燕飛飛歸畫棟

白鷗點點浴晴川年來景物還依舊不見人生再少年其篇

什最多壬午亂後盡散佚矣

并錄一

池北偶談

吾邑耿侍御省亭鳴世妻徐氏都御史華平柏庭之母也有

賢行能文章兵後失其集僅傳寄子詩云家內平安報爾知
田園歲入有餘資絲毫不用南中物好做清官答聖時有德
之言與燃脂弄粉者迥異

女郎徐元象字奇孺黃州廣濟人舉人張楚偉字小損配詩
文有雋才其京口寄父書云兒自襁褓未離掌膝江頭道別
意緒淒然舟行風水便利遂達京口江南佳麗過眼成陳廣
谷大川靡能記憶舅氏出鮑明遠大雷序與妹書與兒讀之
如賦如頌蓬窗瑣瑣恨不能竟所思官舍清華几案如滌挑
燈夜坐日起奉甘旨晨昏戀切切耳阿爺阿母無恙四時之

序成功者退山林觴詠幽情暢遂何必紆拖青紫乃稱貴乎
又送外絕句云送君入楚江悠悠歸路長一去隔千里魂夢
伴瀟湘

惠州西湖志載閨秀孔少娥絕句云西湖西子兩相儔湖面
偏宜點翠洲一段芳華描不就月灣宛轉似眉頭少娥字文

淑歸善人歸士人劉少唐

芳華洲名
明月灣名

張氏潛江人能詩有絕句云病廢機梭老廢齏牙籤緇帙典
猶耽唐詩元曲都收捲日向紗窗讀二南詠留侯云子房稱
病藏機早只待功成辭漢家已復韓讐無所事此心元自在
烟霞

黃石齋先生蔡夫人名澗石字玉卿工書法與先生逼似康
熙庚辰春得其楷書律詩一卷楷法稍雜分隸題云偶寄夏

太守時山中聞警崇正丙子秋八月蔡氏玉卿書于石養山中時多崇正中魔道語蓋先生作也

已上居易錄 非錄一

全上李少司馬厚菴說黃石齋先生道配蔡夫人今年將九十尚無恙能詩書法學石齋造次不能辨尤精繪事常作瑤

池圖遺其母太夫人云

會稽女子商婉人能詩工楷法常仿吳彩鸞寫唐韻作廿三

先廿四仙武林沈礪芳名為題絕句云簪花舊格自嫣然

顯明珠貫作編始識彩鸞真韻本廿三廿四是先仙商本老

學究女兼能制舉文字嘗手評沈文一卷又有詩贈之云細

筆猩紅絕妙辭掃眉窗下拜名師從來玉秤稱才子樓上昭

容字婉兒

香祖筆記

安邱女子梁頤字秀中號襲石道人歸韓生頗能詩常有句

云梨花皓月元同色風竹流泉不辨聲蚤卒

古夫于亭雜錄

附錄香祖筆記先見西樵先生撰古今閣閣詩文爲然脂集多至一百卷詩部不必言文部至五十餘卷自廿一史已下瀏覽采摭可稱宏博精聚而說部尤舛復爲古人所未有其金書今藏篋筒無力刻行也

禪林類

入高座寺訪山雨上人時晨雨方零空山寂歷宿鳥聞剝啄聲撲刺驚起坐僧樓汎覽壁間衲子詩有鳥鳴山寺曉之句

賞其幽絕

漁洋文

黃梅東禪寺五祖下院有墜腰石昔六祖用墜腰舂米者又有爨杖楓六祖卓爨杖于地復榮成楓樹石在槽廠故蹟六祖座前或題詩云塊石繩穿祖迹留曹溪血汗此中收分明一片東禪月遍照支那四百州

皇華紀聞

在京師出城送客偶憩野菴見壁上題詩甚有意義詩云春

風迢遞憶天台五月冰寒說五臺無數好山遊未盡秋霜又
欲上眉來考之乃明嘉善西林寺僧雪溪圓映作也映有西
林集

錢塘正崑禪師字豁堂賦詩清麗予於金陵靈谷寺見其同
凡詩集二卷愛之略采數首於此御教場中月直時下山全
不道歸遲三松影落半湖水一路沿鐘到淨慈扁舟赤壁酌
西風千古雄雌在眼中欲得周郎重廻顧銅絃鐵板唱江東
晉人名理宗莊老剡縣風流說謝支雖爲神州鍾紫氣惜君
未見馬駒兒幾日春遊徧若耶入城滿面是烟霞正愁仙福
難消受又喫人間御貢茶皆無香火氣唐宏秀集中所少并
錄一

漁洋詩話 徐繼恩字世臣武林名士亂後爲浮屠名止岳字齋堂

爲詩清麗不落凡近一字略其絕句數首御教塲中月直時
下山全不道歸遲三松影落半湖水一路沿鐘到淨慈晉人
名理宗莊老剡縣風流說謝支雖爲神州鍾紫氣惜君未見
馬駒兒人家竹樹渺茫間浦澈林巒不記灣安得帆隨湘勢
轉爲君九面寫衡山幾日春游徧若耶入城浦面是烟霞正
愁仙福難消受又喫人間御貢茶扁舟絕壁酌西風千古英
雄在眼中欲得周郎重回顧銅絃鐵板唱江東坡公所謂無
蔬筍氣者也

南來蒼雪法師名讀徹居吳之中峯常夜讀楞嚴月明如水
忽語侍者庭心有萬歷大錢一枚可往撿取視之果然師貫
穿教典尤以詩名嘗有句云斜枝不礙經行路落葉全埋入
定身一夜花開湖上路半春家在雪中山此類甚多己未二

月師弟子秋臯過訪說此秋臯有句云鳥啼殘雪樹人語夕

陽山亦有家法

并錄一

漁洋詩話近日釋子詩以滇南讀徹蒼雪爲第一如一夜花開湖

上路半春家在雪中山如亂流落葉聲兼下聽徹寒扉不上
關皆警句其弟子某亦有句云鳥啼殘雪樹人語夕陽山

東坡最喜杭僧惠詮落日寒蟬鳴一篇至爲和作施彥執又
記其大慈塢祖塔上題一首云谷口兩三家平田一望賒春
深多遇雨夜靜獨鳴蛙雲暗未通月林香始辨花誰驚孤枕
曉濤白捲江沙此詩亦佳能改齋漫錄載湖僧順怡詩久從
林下遊一首云韓子蒼爲予言後四句不同結句云唯聞犬
吠聲更入青松去按此卽惠詮詩坡公所和者但本作青蘿
耳竹坡詩話作僧守詮冷齋夜話又載順怡詩云久從林下

遊頗識林下趣從渠綠陰繁不礙清風度閑來石上眠落葉
不知數山鳥忽飛來啼破幽寂處又云荆公愛之則是惠詮
詩自爲坡和順怡詩自爲介甫所賞韓誤記爲一耳

劉屏山子翬朱文公師也其屏山集詩往往多禪語如牧牛
頌云軟草豐苗任滿前蒼然鰕觥卧寒烟直饒牧得渾純熟
痛處還應著一鞭徑山寄道服云遠信殷勤到草菴却慚衰
病豈能堪聊將佛日三端布爲造青州一領衫粲粲休誇綺
與統紉蘭製芰亦良難此袍遍滿三千界要與寒兒共解顏
此類是也先生常語文公曰吾少官莆田以疾病時接佛老
之徒聞其所謂清淨寂滅者而心悅之比歸讀儒書而後知
吾道之大其體用之全乃如此故文公講學初亦由禪入
漫錄載僧仲殊詩云瑞麟香暖玉芙蓉畫蠟凝輝到曉紅數

點漏移衙仗北一番雨滴甲樓東夢遊黃閣鸞巢外身卧彤
幃虎帳中報道譙門初日上起來簾幙杏花風右在平江呈
黃左丞安中作東坡所謂蜜殊也

琉球天王寺有僧號瘦梅道人賦七夕詩云陶公簾外赤龍
下漢武殿前青鳥來又萬松院僧不羈有詩云黃葉落三徑

白雲歸數峯予門人汪翰林舟次林舍人石來康熙癸

亥奉使其國見之石來有詩云瘦梅道者人不識梵夾吟題
聳兩肩賦得赤龍青鳥句樊南甲乙可同傳浮屠亦有不羈

人祇樹蕭蕭絕世塵唐體詩中風格好白雲黃葉鬪清新

新城釋成楚字荆菴愛五戒於法慶今居靈巖頗能小詩落
花云高枝忍別離逝水隨飄蕩雨後云青猿臨澗飲白鳥向

空翻秋日云風來夕沼綠荷敗霜落秋山黃葉多山居云陰

崖句後參宗旨陷虎機前驗作家新霽云嵐氣千重縈嶂背
清流萬道出雲根贈奚林大師云孤衍靈山第一枝無言得
髓是吾師偶然豎拂天花落絕勝空生晏坐時記之當續訪
其全云同時僧智泉者亦新城人有移竹詩云別去寒山寺
來依明月樓亦有致

鐵漢和尚居金陵牛首東峰下獨坐數十年嘗蓄二猿子自

隨有所須猿輒解意與龍眠方學士坦菴

拱乾

善特構一軒方

來卽居之號曰坦軒和尚化去二猿悲鳴不食死葬於塔側

學士題其遺像云兩箇獼猴杖一根獻花石上獨稱尊怪公

事事能超脫留此賊私誤子孫

并錄二

漁洋文

兜率巖下坦軒爲鐵漢和尚故居和尚楚人常以二獼

猴自隨曲解其意枯坐巖竇不與人接與龍眠方學士爲方

外交學士贊其畫像曰兩箇獼猴杖一根獻花石上獨稱尊
怪公事事能超脫留此賊私誤子孫

分甘金陵牛首山寺堯率巖鐵漢和尚故居和尚京山人枯

餘話坐巖竇數十年有二獼猴侍左右方坦菴少詹題其畫像云
兩箇獼猴杖一根獻花石上獨稱尊怪公事事能超脫留此
賊私誤子孫

劉公猷吏部在鳳陽與其友蘇懋序銘孝廉往龍興寺與某

禪師扣擊竟日晚歸遂化去是夜蘇夢公猷來微笑吟詩云
六十年來一夢醒飄然四大御風輕與君昨日龍興寺猶是

拖泥帶水行已上池北偶談 并錄一

漁洋詩話劉考功公猷體仁客鳳陽一日同友人蘇銘茂序過龍興

寺訪老衲流連竟日始別蘇歸邸腰公猷來笑吟詩云六十

年來一夢醒飄然四大御風輕與君昨日龍興寺猶是拖泥帶水行覺而異之忽聞剝啄聲則公祓僕人至云已坐脫矣新城訪崇寧寺房廊傾圯極目鬼葵燕麥憶順治壬辰予未弱冠與考功兄同上公車侍司徒公憩息于此梵唄甚盛觀壁間崔飢仲泌之詩云象王應不逐狐隊玉鼓從教展鐵旗法化終歸猛利漢姚江滴滴到蓮池彈指已五十年海水揚塵信非妄語

蠶尾續文 并錄一

居易錄 順治乙未春予上公車次北新城之高橋憩僧寺有崔泌之草書一詩云象王應不隨狐隊玉鼓從教展鐵旗發化終歸猛利漢姚江滴滴到蓮池崔河南人官止知縣明末殉節

真定龍興寺大悲閣有宋鎮國軍節度使特進檢校太尉權

知鎮州軍府事錢唯治織成連環詩九十首訪臨濟寺義元
禪師道場荒落無一僧今臨濟兒孫徧天下而祖庭頽廢至
此將時節因緣亦有待耶宋證悟法師有題僧募馬祖殿瓦
偈曰寄語江西老古錫從教日炙與風吹兒孫不是無料理
要見冰消瓦解時偶憶此因題諸壁

并錄一

分廿餘話臨濟寺余以康熙丙子過之荒涼頽落闔無一僧今臨
濟兒孫滿天下名山大刹開堂領衆者不可勝數而祖庭敗
壞如此無一人任興復者余因憶宋僧證悟題馬祖殿云寄
語江西老古錫任教日炙與風吹兒孫不是無料理要見冰
消瓦解時遂題是詩於佛殿之壁今又十三年矣不知竟有
擔當此事者否也

華嚴菴老僧果菴攜詩卷見過吳人年八十有四閱卷中有

軒窗無暑覺雲起竹樹有聲知雨來之句頗賞之

已上秦蜀驛程後記并錄一

分廿蜀僧果菴詩軒窗無暑覺雲起竹樹有聲知雨來

宗杲附識並齊述萬廬先生云二語故是佳句微嫌知覺二字合掌耳

宋王銍性之雪溪集附載廬山僧可和詩一篇甚佳詩云空中千尺墮柳絮溪上一旗開茗芽絕愛晴泥翻燕子未須風雨落梨花重江碧樹遠連雁刺水綠蒲深映沙想見方舟端取醉酒酣風帽任欹斜

元僧溫日觀善畫蒲桃須梗枝葉皆草書法予曾于宋中丞牧仲齋中觀其畫葡萄一幀後題詩云明月清風宗炳社夕陽秋色庾公樓修心未到無心地萬種千般逐水流適見六研齋所記此畫此詩正同復有自題云舉世只知嗟逝水何人微解悟空花此大唐貫休禪師佳句皇宋溫日觀書之仍

爲寫龍鬚于後癸巳年三月二十日扁舟至天佛院晴窗晚
興有兄副寺寶之後又書云紙長宜書好詩爲後之名勝笑
攬卽前詩是也後尚有益川張夢應山陰曾寅孫郡陽葉衡
上饒程鳳飛諸人題跋向俱無有蓋爲人剪裁矣

盤山和尚智朴號拙菴徐州人丁巳以詩抵予以所著電光
雲鶴諸集屬序予亦兩有詩懷之庚午侍者自山中來寄詩
云宮詹學士老詩伯筆掃時風絕世才日把盤山懷我句橫
肩柳櫪幾時來

并錄二

居易拙菴山居詩有極似寒山子者其佳句如雪衲經時補
春薪帶雨燒青溝一派水紫葢萬重山閑心將白日隨意斬
青茅木蛇鱗甲異俊鷗羽毛青蒲團安養地秋色淨居天鬢
從新處白天自舊來青竹窗來夜月茆屋隱春雲皆可誦

漁洋詩話盤山釋智朴有詩名余在京師日曾定其集嘗有句云

木蛇鱗甲異俊鵝羽毛青亦未經人道語與洪昇聯句云蒼

松亂插連雲石石上苔痕虎行跡朴拄杖來從飛鳥邊下視

蒼茫遠烟碧昇昇客武康有句云林月前後入谿花春夏開

余亦嘗刪定其集云

宋高僧詩前後二集錢唐陳起宗之蠶尾文無宗之二字編多近體五言

予按前集卽六一詩話所謂九僧詩也所稱春生桂嶺外人

在海門西希畫句也馬放降來地鵬盤戰後雲宇昭句也今

具載集中當永叔時已云其集不傳世多不知所謂九僧者

而此集更歷六七百年完好如此殆不可曉又按周輝清波

雜誌云昔傳九僧劍南希畫金華保暹南越文兆天台行肇

沃洲簡長青城唯鳳江東宇昭峨眉懷古淮南惠崇名字與

今本悉合又云九僧詩極不多有景德五年直史館張亢所
著序引惠崇人遊曲江少草入未央深之句皆不載疑爲節
本或卽此本是也今亢序亦不載大抵九僧詩規撫大歷十
子稍窘邊幅若河分岡勢斷春入燒痕青自是佳句而輕薄
子有司空曙劉長卿之嘲非篤論也已上亦見
舊尾文今摘其秀句列

於左方希晝捲幕知來客懸燈見宿禽

吏隱亭

干峯臨積水秋

勢遠相依路在深雲裏人思絕頂歸送僧歸
雁蕩故國寒潮開春城

夜夢長

書惠崇房

會茶多野客啼竹半沙禽

宋侍郎
林亭

春齋山藥徧夜

舶海書通

寄書
陳學士

微陽生遠道殘雪下中宵

寄觀公

秋聲動羣木

暮色起千山

送李堪

保暹城中無舊識門外是他山

書唯鳳壁

高樹

下殘照寒潮平遠山

文兆水閣

野禪依樹遠中飯傍泉清

送簡長

懸

厓乘雪度飛瀑過雲看

寄白陽元貞

山影到平地湖光生四鄰

送蔣白

半空山遠近寒日水東西徐希別業深院無人語長松滴雨聲寄

昭文兆吳楚十年客兼葭一夜風寄希畫諸峯微下雪一路獨

行僧昭送宇一徑杉松老三更雨雪深宿西山精舍行肇列樹無殘陰

積水有異光中達士絃性直倭人膠辭柔斬尚一言巧靈均

千古愁湘江有感野宿清溪深月在諸峯頂送希書之九峰還山去意長大

江歸夢直鳳送唯心絃世寡聽意鑑古亦稀送從律春通三徑晚

家別九江還贈夢真上人宿館荷香接吟亭島色圍送蒲奉禮簡長朱弦

愁零落古意空徘徊懷盧叔微藉茲徘徊芳強起寂寞遊步春落

日懸秋樹寒蕪上廢城次江陵寄禪依鳥道絕食過漁邨楚雪

粘餅凍江沙濺衲昏送行禪師唯鳳林泉歸計晚雨雪向春多答

昭客路逢人少家書入闕稀寄希畫靜卧侵仙掌微吟隔楚波

寄文兆惠崇河冰堅渡馬塞雪密藏鵬塞上贈王大尉獨鶴窺朝講鄰僧

聽夜琴

贈文兆

海帆通夜市山雨遍春耕

送安學士之睦州

三年不下嶽

衣屨古苔侵

贈吳黯山人

水烟常似暝林雪乍如春

林逸人壁

五月無青

草渟池流斷冰

古塞下曲

夕景孤嶼明暗蟲四鄰響

劉中秋懷希登

宇昭白

道沿嵩直青燕夾渭長

送從律師

試泉尋寺遠買鶴到家遲

贈魏野

懷古算程芳草盡去國故人稀

送田錫

遠水去無極離人來幾

時

酬陸秋岳友人

白髮有先後青山無古今

酬柯山

中間唯行筆詩學

孟東野但全體微弱耳後集以贊寧歷卷凡三十一人文瑩

道潛清順皆在焉文瑩常撰玉壺清話道潛即參寥清順為

東坡所賞續集十九人以祕演歷卷惠洪守詮皆在焉祕演

歐陽永叔友守詮亦東坡所喜而惠洪名尤著許彥周詩話

云覺範題李愬畫像

云當與黔安並驅

黔安謂山谷

仲殊參寥雖名

世皆不能及也

宗杲案惠洪題李愬畫像起處云淮陰北面師廣武其氣豈止吞項羽君得李祐不肯誅便知元濟在掌股數語有豫章風骨通體氣亦沈雄是能不以禪寂自縛者

福州仁王寺有僧喜唱望江南詞一日忽題壁云或言於當

路延主一刹久之不樂又題詩云當初只欲轉頭銜轉得頭銜轉不堪何似仁王高閣上倚闌閑唱望江南李內翰每稱之倦遊輒曰吾欲唱望江南矣此與不暇唱渭城語相似而僧詩特佳

宗杲案池北偶談宋人小說記張子韶言閭巷有人以賣餅為生吹笛為樂僅得一飽資即歸臥其家取笛而吹如此有年鄰有富人察其人甚熟欲委以財千餘初不可堅諭之乃許諾錢既入手遂不聞笛聲但聞謠聲耳其人大悔急還富人錢於是再賣餅明日笛聲如舊此與唐劉伯芻所言安邑里粥餅人勿勿不暇唱渭城事絕相類今士大夫不及吹笛人者多矣又案查浦輯聞劉伯芻居安邑里鄰有餅師每侵早驅雞歌當壚偶招典語極訴貧苦因與葛錢日取餅以贖後遂寂然不聞歌聲而問之答曰歌須閑適近本流稍大心境轉飽不暇唱渭城矣侍郎歎曰官徒亦然蓋即劉賓客話錄所載也

顰津集十五卷宋僧契嵩著嵩有錄尾文非韓三十篇在集中

其詩亦錄尾文多秀句如習忍如幽草觀身類片雲桑柘雨中

詩話卷二十

補本
禪林

大

綠人烟關外踈天岸日將出田家雞更啼好山沿岸去驟雨
落花來雲迷飛鳥道雨出古龍湫明月出已滿白雲歸未多
皆佳舊唐書夢梁錄云姓李字仲靈嘉祐中進輔教編賜號明
作工教禪師林間錄嵩明教初至開先主者命掌書記笑曰蘇軾文
作云我豈爲汝一杯薑杏湯耶乃去之西湖坡公所云契嵩禪師
多嗔人未嘗見其笑者是也

會稽釋子元璟字借山平湖人投詩爲贊頗有秀句如相思
若鷗鳥咫尺隔風烟鄰衲司吟卷門生致酒錢風曳鵝黃淺
寒吹鴨綠平坐看春牒子吟到闔閭城清鐘來木末白鳥落
風湍人家收柑子楓樹著霜花晚菰分竹圃秋水遶籬根烟
中多翡翠花裏又鉤輈一笛破寒渚千帆湊夕陽懶呼猿引
客閒許鹿參禪試看青菡萏倒浸碧玻璃卜築精藍似淨名

愛君三絕擅平生，桑條綠滿門前徑。客到幽禽啼數聲，瘦策衝泥訪鐵厓。銅坑小喫雨前茶，無端攪亂春愁客屋角。一枝山杏花，玉削羣峯抱。一村甘泉如乳出，雲根負薪伐竹扶犁。

叟多是楊家十葉孫。

過楊鏡屋故里

宗枏附識：借山一字紅板，又字晚香，游跡殊廣。先君在京邸日，與爲方外交，借山旣年老，居當湖之化城精舍。先君歸田數年，嘗挈舟訪之，神亦從遊，記其署彌勒座旁一聯云：寬著肚皮等佛做，大開笑口看人忙。語亦有致，晚與初白菴主唱酬最密，過俗子談詩，輒加侮慢，以此多忤於世云。

白楊順禪師偈落林黃葉，水流去出谷白雲。風捲回作文字，觀亦是妙句。

棲霞竺菴禪師名大成，覺浪盛公弟子也。有和寒山詩云：我著弊垢衣，衆人生譏誚。我著珍御衣，衆人稱切要。我著毛羽衣，衆人皆大笑。若我不著衣，何人知我妙？又白鶴欲升天，黃鶴不相許。飛入鸚鵡洲，求食洞庭渚。千年復千年，雙雙變毛。

羽兩兩竟成仙誰向凡人語

尺木禪師者名性休明宗室也得戒于崆峒天鼓得法于漢陽不退住沁州之永慶寺嘗題漁父圖云東西南北任遨遊萬里長江一葉舟夢裏不知身是客醒來天水一般秋有銅鞮語錄播于叢林

已上居易錄

附錄居易錄予嘗讀三峯藏禪師語錄及五宗原以爲末法中龍象其提智證傳闢發臨濟汾陽三元三要之占而欲遠嗣法於寂音亦天童之譚子也而牧翁列朝詩詞餘分間位竟陵之詩與西國之教三峯之禪旁午發作並爲孽於斯世云云師與牧翁皆常熟人而詆諆如此豈別有謂耶不可解也

僧澄瀚字郢子濟寧人工詩有絕句云昨宵初罷上元燈又欲看山向秣陵騎馬乘船都不會飄然誰識六朝僧爲時所稱

漁洋詩話亦見池北偶談

宋熙寧中會稽僧重喜有詩云地鑪無火一囊空雪似楊花落歲窮乞得苧蓆縫破衲不知身在寂寥中此詩甚佳惜不

遇坡公與佛印參寥守詮清順輩同蒙品藻耳

古夫于亭雜錄

柳塘外集二卷宋廬山僧無文道璨詩也頗有江西宗法江都張印宣師孔遊開先於佛藏中鈔得之刊以行世

分廿餘話

帶經堂詩話卷二十